

## SESIÓN EXTRAORDINARIA DO PLENO MUNICIPAL DO DÍA 8 DE XULLO DE 2019

No salón de sesións da casa do Concello de Cambre, ás trece horas do día oito de xullo de dous mil dezanove, baixo a presidencia do señor alcalde don Óscar A. García Patiño, reúnese en sesión extraordinaria, en primeira convocatoria, o Pleno municipal.

Asisten os señores concelleiros don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta, de UxC; dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei, do PSdeG-PSOE; don Juan María Abalo Castex, dona María Jesús González Roel e dona Marta María Vázquez Golpe, do PP; don Daniel Carballada Rodríguez e don Brais Cubeiro Fernández, do BNG; don Raúl Varela Fraguío, de AV; e integrando o Grupo Mixto, dona María Olga Santos López, de EU-Son en Común e dona María José García Hidalgo, de C's.

Non asisten, con escusa, don Daniel Mallo Castro, de UxC, e dona Sandra Sánchez Vieites, de AV.

Asisten don Francisco Javier Ulloa Arias, interventor, e dona Verónica María Otero López, secretaria accidental.

Segundo establece o artigo 130.1 do Regulamento orgánico municipal, no Concello de Cambre as actas do pleno municipal adoptan o sistema de videoactas.

De acordo co previsto no artigo 130.2, apartado 1º do citado texto normativo, o presente documento correspóndese coa acta sucinta da sesión extraordinaria do Pleno municipal do día 8 de xullo de 2019, que xunto coa gravación dispoñible no enderezo electrónico <http://plenos.cambre.es> (ID: Video\_201907081100380000\_FH), constitúe o documento público e oficial de videoacta desta sesión.

Faise constar que en cada punto da orde do día desta acta sucinta, inclúese a referencia temporal do comezo da gravación do dito punto, isto co fin de facilitar a súa localización.

Aberto o acto pola presidencia, examináronse os asuntos incluídos na orde do día da convocatoria.

### **1. Aprobación, se procede, da acta correspondente á sesión de constitución da nova Corporación e da elección de alcalde de data 15 de xuño de 2019**

#### **Acceso á videoacta – 00:00:35 horas**

O señor presidente pregunta aos asistentes se desexan formular algunha observación ao borrador da acta correspondente á sesión de constitución da nova Corporación e da elección de alcalde de data 15 de xuño de 2019.

Non se formulan alegacións, polo que o Pleno municipal aproba o citado borrador por unanimidade dos dezaioito concelleiros que están hoxe presentes e que asistiron todos eles á citada sesión.

### **2. Coñecemento dos escritos de constitución dos grupos políticos, dos seus integrantes e nomeamento dos voceiros**

#### **Acceso á videoacta – 00:02:59 horas**

De conformidade co establecido nos artigos 74 e seguintes da Lei 5/1997, do 22 de xullo, de administración local de Galicia, artigo 73.3 da Lei 7/1985, do 2 de abril, reguladora das bases do réxime local, e artigos 4 e seguintes

do Regulamento orgánico municipal (ROM), de orde do Sr. alcalde dáse lectura pola secretaria accidental da Corporación aos escritos que de seguido se relacionan:

- dos concelleiros de Alternativa dos Veciños (AV), rexistrado de entrada ao núm. 0/4030 o día 18 de xuño de 2019, no que se constitúen como Grupo Municipal de Alternativa dos Veciños no Concello de Cambre e nomean voceiro titular a don Raúl Varela Fraguío e voceira suplente a dona Sandra Sánchez Vieites.

- da concelleira de Esquerda Unida- Son en Común (EU-Son en Común) e da concelleira de Ciudadanos-Partido da la Ciudadanía (C's), rexistrado de entrada ao núm. 0/4164 o día 20 de xuño de 2019, no que, de conformidade co artigo 74 da Lei 5/1997 de administración local de Galicia e artigos 5 e 6 do ROM, se constitúen en Grupo Mixto do Concello de Cambre e nomean voceira titular a dona María Olga Santos López e voceira suplente a dona María José García Hidalgo. Igualmente, e tendo en conta o previsto no artigo 9,3 do ROM, para os efectos de actuación na Xunta de Voceiros establecen unha rolda rotativa para o desempeño das funcións de voceira, os meses impares dona María Olga Santos López e os meses pares dona María José García Hidalgo.

- dos concelleiros do Partido Socialista de Galicia-PSOE (PSdeG-PSOE), rexistrado de entrada ao núm. 0/4166 o 20 de xuño de 2019, no que se constitúen como Grupo Municipal dos Socialistas de Cambre e nomean voceira titular a dona Patricia María Parceró Quiñoy, voceiro suplente 1º a don Diego Alcaltarilla Rei, voceira suplente 2ª a dona Lúa Sanguiniedo Álvarez e voceiro suplente 3º a don Miguel Ángel Gutiérrez Nieto.

Así mesmo faise constar que, con base no artigo 9.1 do ROM, todos os membros do grupo do PSdeG-PSOE se reservan o dereito a intervir na deliberación de calquera tipo de asunto, por razón da materia de que se trate en cada caso, presumíndose a delegación se non houberse manifestación a “contrario sensu” do voceiro do grupo.

- dos concelleiros de UniónxCambre (UxC), rexistrado de entrada ao núm. 0/4175 o día 20 de xuño de 2019, no que se constitúen como Grupo Municipal de UxC e nomean voceiro titular a don Óscar A. García Patiño, voceiro suplente 1º a don Juan González Leirós e voceira suplente 2º a dona Elisa Pestonit Barreiros.

Así mesmo faise constar que, con base no artigo 9.1 do ROM, todos os membros do grupo de UxC se reservan o dereito a intervir na deliberación de calquera tipo de asunto, por razón da materia de que se trate en cada caso, presumíndose a delegación se non houberse manifestación a “contrario sensu” do voceiro do grupo.

- dos concelleiros do PP, rexistrado de entrada ao núm. 900/1743 o día 21 de xuño de 2019, no que se constitúen como Grupo Municipal Popular. Nomean como voceiro titular a don Juan María Abalo Castex, e como voceiras suplentes a dona María Jesús González Roel e dona Marta María Vázquez Golpe, todo isto sen prexuízo do disposto no artigo 9.1 do ROM respecto da posibilidade de delegación por razón das materias.

- dos concelleiros do BNG, rexistrado de entrada ao núm. 0/4250 o día 21 de xuño de 2019, no que se constitúen como Grupo Municipal do Bloque Nacionalista Galego e nomean como voceiro titular a don Daniel Carballada Rodríguez e como voceiro suplente a don Brais Cubeiro Fernández.

### 3. Proposta da Alcaldía respecto da periodicidade das sesión do Pleno

#### Acceso á videoacta – 00:08:23 horas

Vista a proposta de Alcaldía do día 2 de xullo de 2019 que consta do seguinte teor literal:

“De conformidade co establecido no artigo 41 do Regulamento orgánico municipal, dentro dos trinta días seguintes ao da sesión constitutiva, o alcalde convocará a sesión ou sesións extraordinarias do Pleno da Corporación que sexan precisas, co fin de resolver, entre outros, o seguinte asunto: **Periodicidade das sesións do Pleno.**”

O artigo 46.2 a) da Lei 7/1985, do 2 de abril, reguladora das bases do réxime local, na redacción dada pola Lei 11/1999, do 21 de abril, establece que o Pleno levará a cabo **sesión ordinaria como mínimo cada mes**, nos concellos de municipios de máis de 20.000 habitantes.

O artigo 93 do Regulamento orgánico municipal establece que son sesións ordinarias do Pleno aquelas que teñen unha periodicidade preestablecida por acordo do propio Pleno, e no dito acordo estableceranse os días e horas en que terán lugar as ditas sesións.

En virtude do exposto, propono á Corporación a adopción do seguinte acordo:

O Pleno da Corporación reunirse en sesión ordinaria que terá lugar o último xoves de cada mes, ás 20:00 horas, en primeira convocatoria. Se o citado día fora inhábil, terá lugar o seguinte día hábil, á mesma hora.”

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei), os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), o concelleiro presente de AV (don Raúl Varela Fraguío) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's). Abstéñense os dous concelleiros do BNG (don Daniel Carballada Rodríguez e don Brais Cubeiro Fernández).

O Pleno municipal, por dezasete votos a prol, aprobou a proposta tal e como foi transcrita.

#### 4. Proposta da Alcaldía respecto da periodicidade das sesións da Xunta de Goberno Local

##### Acceso á videoacta – 00:09:01 horas

Vista a proposta de Alcaldía do día 2 de xullo de 2019 que consta do seguinte teor literal:

«De conformidade co establecido no artigo 41 do Regulamento orgánico municipal, dentro dos trinta días seguintes ao da sesión constitutiva, o alcalde convocará a sesión ou sesións extraordinarias do Pleno da Corporación que sexan precisas, co fin de resolver, entre outros, o seguinte asunto: **Periodicidade das sesións da Xunta de Goberno Local**.

O artigo 46 do Real decreto legislativo 781/1986, do 18 de abril, polo que se aproba o Texto refundido das disposicións legais vixentes en materia de réxime local dispón que “As Comisións Municipais e Provinciais de Goberno celebrarán sesión ordinaria coa periodicidade que estableza o Regulamento orgánico da Corporación.”

O artigo 132 do Regulamento orgánico municipal, en concordancia co previsto no artigo 211 da Lei 5/1997, do 22 de xullo, de administración local de Galicia, establece que a Xunta de Goberno Local, para exercer as súas competencias resolutorias, realizará sesións ordinarias coa periodicidade determinada polo Pleno da Corporación, e, como mínimo, cada 15 días, podendo o alcalde reunir en calquera momento á Xunta de Goberno Local cando estime necesario coñecer o seu parecer ou pedir a súa asistencia con anterioridade a ditar resolucións no exercicio das atribucións que lle correspondan.

Respecto da fixación do día e hora, o artigo 132.2, parágrafo segundo, establece que lle corresponde ao alcalde fixar, mediante a correspondente resolución, o día e hora no que se debe realizar a sesión ordinaria.

De conformidade co disposto na alínea 5 do mesmo artigo “... as sesións da Xunta de Goberno Local poderán ter carácter mixto, é dicir, **poderán ser resolutivas e deliberantes ou de asistencia**. Para tal efecto, o alcalde poderá introducir como último punto da orde do día, nas sesións ordinarias, o de “ditames da Xunta de Goberno Local”.

En canto ás competencias da Xunta de Goberno Local, o artigo 71 do Regulamento orgánico municipal, en concordancia co artigo 23.2 a) da Lei 7/1985, do 2 de abril, e o artigo 65.2 da Lei 5/1997, do 22 de xullo, establece:

“Correspóndelle á Comisión de Goberno:

- a) *A asistencia ao alcalde no exercicio das súas atribucións. É unha atribución propia e indelegable. Para tal fin, a Comisión de Goberno será informada de todas as decisións do alcalde. Esta información terá carácter previo á adopción da decisión sempre que a importancia do asunto así o requira*
- b) *As atribucións que o alcalde ou o Pleno lle deleguen ou lle atribúan as leis”*

A este respecto hai que ter en conta que por Resolución desta Alcaldía núm. 1324/2019, do 1 de xullo, deleguei na Xunta de Goberno Local competencias en materia de contratación que a lei atribúe ao alcalde, e por Resolución núm. 1323/2019, da mesma data, conferín delegacións xenéricas a prol dos tenentes de alcalde nos termos previstos no artigo 48 do Regulamento orgánico municipal, polo que a Xunta de Goberno Local non só deberá ser convocada para tratar os temas relativos aos expedientes de contratación que se incoen en virtude das competencias delegadas, senón tamén para a toma de coñecemento das resolucións ditadas polos concelleiros e concelleiras delegados de área, para os efectos de que esta Alcaldía estea debidamente informada de todas as resolucións que se diten en relación coas competencias delegadas.

Por outro lado, esta Alcaldía non considera necesario propoñer ao Pleno a constitución da Xunta de Coordinación, por considerar que as atribucións conferidas a este órgano no artigo 87 do Regulamento orgánico municipal, de coordinación nas liñas de actuación e decisións que adopten os concelleiros delegados respecto das áreas e materias delegadas, e coordinación das Comisións Informativas, poden ser exercidas pola propia Xunta de Goberno Local na que están presentes todos os concelleiros delegados da área.

En virtude do exposto, propoño á Corporación a adopción do seguinte **ACORDO**:

A Xunta de Goberno Local reunirse en sesión ordinaria unha vez por semana. De conformidade co establecido no artigo 132.2 do Regulamento orgánico municipal, corresponderalle ao alcalde fixar, mediante a correspondente resolución, o día e hora no que se debe realizar a sesión ordinaria.»

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei). Vota en contra a concelleira integrante do Grupo Mixto (dona María José García Hidalgo, de C's). E abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), os dous concelleiros do BNG (don Daniel Carballada Rodríguez e don Brais Cubeiro Fernández), o concelleiro presente de AV (don Raúl Varela Fraguío) e a concelleira integrante do Grupo Mixto (dona María Olga Santos López, de EU-Son en Común).

O Pleno municipal, por once votos a prol, aprobou a proposta tal e como foi transcrita.

## **5. Proposta de Alcaldía respecto da creación e composición das Comisións Informativas Permanentes, da Comisión Especial de Contas e da Comisión Informativa Especial de Honores e Distincións**

### **Acceso á videoacta – 00:10:21 horas**

Vista a proposta de Alcaldía do día 3 de xullo de 2019 que consta do seguinte teor literal:

«De conformidade co establecido no artigo 41 do Regulamento orgánico municipal, dentro dos trinta días seguintes ao da sesión constitutiva, o alcalde convocará a sesión ou as sesións extraordinarias do Pleno da Corporación que sexan precisas, co fin de resolver, entre outros, o seguinte asunto: **Creación e composición das comisións informativas permanentes de seguimento e control, e da Comisión Especial de Contas.**

Respecto disto, hai que ter en conta igualmente o establecido no artigo 20.1 c) da Lei 7/1985, do 2 de abril, reguladora das bases do réxime local, artigos 59, 66 e 68 da Lei 5/1997, do 22 de xullo, de administración local de Galicia e artigos 78 a 85 do Regulamento orgánico municipal, segundo os cales:

1- Tendo en conta que o Concello de Cambre ten máis de 5.000 habitantes, son órganos necesarios do Concello de Cambre, sen atribucións resolutivas, as que ata agora veñen sendo denominadas comisións informativas permanentes, que teñen por obxecto:

- a) O estudo, informe ou consulta dos asuntos que deban ser sometidos á decisión do Pleno, salvo cando se trate de sesións extraordinarias urxentes, ou de mocións, así como daqueles asuntos que se deban someter á decisión da Comisión de Goberno cando actúe por delegación do Pleno (artigo 68.2 da Lei 5/1997)
- b) O informe daqueles asuntos da competencia propia ou delegada da Comisión de Goberno, ou do alcalde, que lle sexan sometidos ao seu coñecemento por expresa decisión daqueles
- c) O seguimento da xestión do alcalde, a Comisión de Goberno e os concelleiros que exerzan delegacións, isto sen prexuízo das competencias de control que lle corresponden ao Pleno

2 - A Comisión Especial de Contas existirá en todos os concellos e ten por obxecto o exame, estudo e informe da Conta Xeral do concello e das demais contas anuais.

3 – Denomínanse comisións informativas especiais as que o Pleno acorde constituír con carácter temporal, para o estudo, informe ou consulta dalgún aspecto concreto, específico, en consideración ás súas características especiais de calquera tipo.

Estas comisións extínguense automaticamente unha vez ditaminen ou informen sobre o asunto que constitúe o seu obxecto, agás que o acordo plenario que as creou dispoña outra cousa.

4 - Correspóndelle ao Pleno, a proposta do alcalde, determinar o número e denominacións iniciais das comisións informativas permanentes procurando, no posible, que se correspondan co número e denominación das grandes áreas en que se estruturan os servizos corporativos.

O mesmo resulta de aplicación para a creación das comisións informativas especiais.

4 – As Comisións Informativas e a Comisión Especial de Contas estarán compostas polos membros que se determinen no acordo de constitución, procurando que a composición se acomode á proporcionalidade existente entre os distintos grupos políticos representados na Corporación [art. 20.1 c) da Lei 7/1985 na redacción dada pola Lei 57/2003, do 16 de decembro, de medidas para a modernización do goberno local], sen que *“o respecto desta proporcionalidade deba implicar a necesidade de que cada unha das comisións sexa reprodución exacta, a escala menor, do Pleno municipal, senón só a de que, en canto a diferenza cuantitativa e outras consideracións obxectivas o fagan posible, ao fixar a composición das comisións, procurarase dotar a presenza neles ás forzas políticas presentes no Pleno”* (St. 32/1985, do 6 de marzo, Sala Segunda do Tribunal Constitucional).

5 - A adscrición concreta a cada comisión dos membros da Corporación que deban formar parte dela, en representación de cada grupo, realizarase mediante escrito do voceiro do grupo dirixido ao alcalde e presentado no Rexistro de Entrada do concello. Poderá designarse de igual forma, un suplente por cada titular. O devandito escrito presentarase no prazo dos cinco días hábiles contados dende a sesión plenaria na que se adoptou o acordo de creación das comisións informativas ou, de se levar a creación, composición e designación a un único Pleno, os cinco días contarase dende o requirimento que, para tal efecto, se formule polo Sr. alcalde a todos os voceiros dos grupos políticos.

6 - O artigo 212 da Lei 5/1997, do 22 de xullo, de administración local de Galicia, e o artigo 134 do Regulamento orgánico municipal, establecen que as comisións informativas permanentes de seguimento e control realizarán sesións ordinarias coa periodicidade que acorde o Pleno no momento de constituílas.

Igualmente, o artigo 134.1 do ROM, establece que celebrarán sesión nos días e horas que estableza o alcalde, ou o seu respectivo presidente, os que poderán así mesmo, convocar sesións extraordinarias ou urxentes delas.

Así pois, tendo en conta o disposto na Resolución núm. 1314/2019, do 1 de xullo, na que se recolle a denominación e ámbito material das áreas de goberno nas que se estrutura a organización municipal, propoño ao Pleno da Corporación a adopción do seguinte **ACORDO**:

**Primeiro:** De conformidade co establecido no artigo 20.1 c) da Lei 7/1985, do 2 de abril, e artigo 59.2 d) da Lei 5/1997, do 22 de xullo, crear tres **Comisións Informativas Permanentes** de estudo, informe, consulta e seguimento, coa seguinte denominación:

**1. Comisión Informativa de Presidencia, Economía, Facenda, Recursos Humanos e Desenvolvemento Socioeconómico:** Ditaminará os asuntos correspondentes á Área de Presidencia, á Área de Economía, Facenda e Recursos Humanos e á Área de Desenvolvemento Socioeconómico.

**2. Comisión Informativa de Urbanismo, Obras, Servizos, Seguridade Cidadá, Educación, Mobilidade, Medio Ambiente e Sanidade:** Ditaminará os asuntos correspondentes á Área de Urbanismo e Obras, á Área de Servizos e Seguridade Cidadá e á Área de Educación, Mobilidade, Medio Ambiente e Sanidade.

**3. Comisión Informativa de Cultura, Deportes, Xuventude e Benestar Social:** Ditaminará os asuntos correspondentes á Área de Cultura, Deportes e Xuventude e á Área de Benestar Social.

**Segundo:** Cada unha delas estará integrada por trece membros, coa seguinte adscrición por cada grupo municipal segundo a súa representatividade no Pleno: 5 de UxC, 3 do PSdeG-PSOE, 2 do PP, 1 do BNG, 1 de Alternativa dos Veciños e 1 do Grupo Mixto.

**Terceiro:** As comisións informativas permanentes reuniranse en sesión ordinaria todos os meses, no día e hora que estableza o alcalde.

**Cuarto:** De conformidade co establecido no artigo 20.1 e) da Lei 7/1985, do 2 de abril, e artigo 59.2 c) da Lei 5/1997, de 22 de xullo, crear a **Comisión Especial de Contas**, que ten por obxecto o exame, estudo e informe da Conta Xeral do concello.

Estará integrada por trece membros, coa mesma adscrición por cada grupo municipal que as comisións informativas permanentes de estudo, informe, consulta e seguimento, e reunirse cando sexa convocada para emitir o informe á Conta Xeral.

**Quinto:** De conformidade co establecido no artigo 84 do Regulamento orgánico municipal, crear a **Comisión Informativa Especial de Honores e Distincións**, que terá por obxecto ditaminar as propostas que formulen os instrutores dos expedientes para a concesión de honores e distincións no Concello de Cambre, isto a teor do establecido no artigo 18 do Regulamento especial de honores e distincións do Concello de Cambre, así como para ditaminar o nome de vías públicas e lugares que non constitúan unha forma de homenaxe, tal e como establece o artigo 16 do mesmo texto.

Estará integrada por trece membros, coa mesma adscrición por cada grupo municipal que as comisións informativas permanentes de estudo, informe, consulta e seguimento, e reunirse cando sexa convocada polo alcalde para emitir o correspondentes ditames.

**Sexto:** De conformidade co establecido no artigo 80.1 c) do Regulamento orgánico municipal, no prazo dos 5 días hábiles seguintes á adopción do presente acordo, os voceiros e voceiras dos grupos políticos municipais deberán presentar no Rexistro de Entrada do Concello, un escrito dirixido ao alcalde onde se designen os titulares e suplentes que se adscriben ás comisións informativas creadas.»

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguiñedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei). E abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), os dous concelleiros do BNG (don Daniel Carballada Rodríguez e don Brais Cubeiro Fernández), o concelleiro presente de AV (don Raúl Varela Fraguío) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por once votos a prol, aprobou a proposta tal e como foi transcrita.

## 6. Proposta da Alcaldía para constituír como órgano complementario a Xunta de Voceiros

### Acceso á videoacta – 00:15:54 horas

Vista a proposta de Alcaldía do día 2 de xullo de 2019 que consta do seguinte teor literal:

“O artigo 20.1 da Lei 7/1985, de 2 de abril, reguladora das bases do réxime local establece as regras ás que debe responder a organización municipal.

A alínea 3 do citado artigo establece que os propios municipios, nos regulamentos orgánicos, poderán establecer e regular outros órganos complementarios, de conformidade co previsto no citado artigo e nas leis das Comunidades Autónomas.

Neste mesmo sentido o artigo 59.2 d) in fine da Lei 5/1997, de 22 de xullo, de administración local de Galicia establece que poderán complementar a organización municipal ..... calquera outro órgano establecido polo concello e regulado no seu Regulamento orgánico.

O artigo 75 do Regulamento orgánico municipal recolle entre os órganos complementarios a Xunta de Voceiros, regulada nos artigos 89 a 91 e 143 e 144 da citada norma.

Os artigos 90 e 91 do Regulamento orgánico municipal establecen que poderá constituírse a proposta do alcalde-presidente, mediante acordo adoptado para o efecto polo Pleno da Corporación, por maioría simple.

No acordo do pleno de organización poderá determinarse a periodicidade das sesións con carácter obrigatorio, establecéndose, no seu caso, horas e días.

En virtude do exposto, propono á Corporación, a adopción do seguinte **ACORDO**:

Constituír, como órgano complementario do Concello de Cambre, a Xunta de Voceiros, que se reunirá en sesión ordinaria o xoves anterior á celebración das sesións ordinarias das comisións informativas, ás 14:00 horas, agás en horario de verán (16 de xuño a 15 de setembro, ambos incluídos), que se reunirá ás 13:00 horas. Se o citado día fose inhábil, a sesión terá lugar o día seguinte á mesma hora.

Para a celebración das sesións ordinarias da Xunta de Voceiros non será necesario convocatoria previa.”

Sometido o asunto a votación ordinaria do Pleno municipal, votan a prol os sete concelleiros presentes de UXC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei), os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe) e o concelleiro presente de AV (don Raúl Varela Fraguío). Abstéñense os dous concelleiros do BNG (don Daniel Carballada Rodríguez e don Brais Cubeiro Fernández) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's).

O Pleno municipal, por quince votos a prol, aprobou a proposta tal e como foi transcrita.

## 7. Coñecemento das resolucións de Alcaldía en materia de: membros da Xunta de Goberno Local; nomeamento de tenentes de alcalde; delegación de atribucións da Alcaldía nos membros da Xunta de Goberno Local e noutros concelleiros e concelleiras; e delegación de atribucións a prol da Xunta de Goberno Local

### Acceso á videoacta – 00:16:32 horas

Os membros da Corporación danse por informados das Resolucións da Alcaldía que se transcriben literalmente a continuación:

### A) Resolución núm. 1314/2019, do 1 de xullo, de creación de áreas de goberno local

«Constituída a nova Corporación municipal o día 15 de xuño do ano que andamos, resultante do proceso electoral que tivo lugar o día 26 de maio de 2019, cómpre determinar a organización e estrutura da administración municipal e, para tal efecto, definir o número e denominación das áreas, materias e actividades que a cada área lle corresponden, para que por esta Alcaldía se poidan efectuar, se é o caso, as delegacións xenéricas que estime oportuno conferir, isto a teor do establecido no artigo 48 do Regulamento orgánico municipal, segundo o cal as delegacións xenéricas, cando se confiran con esta expresión, referiranse a unha ou varias áreas ou materias determinadas, que constitúen, desta maneira, os eixes básicos nos que se estrutura o goberno local, tendo en conta que cada área de goberno representa un sector de actividade da Corporación asignada a unha dirección política en virtude das resolucións que adopte a Alcaldía de acordo coa normativa de réxime local.

O artigo 45 do Real decreto 2568/1986, do 28 de novembro (ROF), dispón que as delegacións que poida outorgar o alcalde deberán adaptarse ás grandes áreas nas que o Regulamento orgánico municipal estrutura os servizos administrativos do concello.

No caso do Concello de Cambre, o vixente Regulamento orgánico municipal non establece unha distribución de áreas de goberno, polo que, en uso da facultade de dirección do goberno e a administración municipal atribuída ao alcalde polos artigos 21.1 a) da Lei 7/1985, do 2 de abril, reguladora das bases do réxime local, artigo 61.1 b) da Lei 5/1997, do 22 de xullo, de administración local de Galicia e artigo 44.1 a) do Regulamento orgánico municipal,

#### **RESOLVO:**

**Primeiro:** Crear as áreas de goberno coas denominacións e ámbito material segundo se relacionan a continuación, e que poderán ser obxecto dunha delegación xenérica nos termos do artigo 48 do Regulamento orgánico municipal:

#### **ÁREA DE PRESIDENCIA**

- Coordinación das diferentes áreas municipais
- Comunicación interna e externa e protocolo
- Secretaría particular
- Información e atención á cidadanía
- Xestión de arquivos e rexistros
- Políticas transversais ou proxectos nos que interveñen varias áreas
- Relacións institucionais e sinatura de todo tipo de convenios
- Participación e desenvolvemento asociativo
- Xestión das políticas de información cidadá
- Sistemas informáticos, impulso e difusión do uso das novas tecnoloxías da información
- Xestión das políticas municipais en materia de promoción da actividade turística de interese e ámbito municipal
- Xestión do museo
- Xestión do uso de locais polas asociacións veciñais e pola cidadanía
- Mantemento e conservación de edificios e instalacións municipais
- Xestión patrimonial: inventario de bens, dereitos e obrigacións, administración e defensa do patrimonio municipal
- Reclamacións por danos causados nos bens integrantes do patrimonio municipal
- Responsabilidade patrimonial
- Todas aquelas materias non asignadas expresamente a outra área de goberno

#### **ÁREA DE URBANISMO E OBRAS**

- Xestión das competencias municipais sobre a ordenación do territorio e o urbanismo: planeamento, xestión urbanística, intervención administrativa e disciplina urbanística
- As actividades e facultades relacionadas coa promoción e xestión da vivenda de protección pública, con criterios de sustentabilidade financeira
- Xestión catastral
- Actividades sometidas a licenza e a comunicación previa



- Outorgamento de licenzas para a ocupación do dominio público, a excepción daqueles que impliquen autorizacións para a venda ambulante
- Obras e infraestruturas urbanas: Planificación e preparación dos plans de obras e infraestruturas urbanas

#### **ÁREA DE ECONOMÍA, FACENDA E RECURSOS HUMANOS**

- Elaboración e xestión dos orzamentos municipais
- Control e fiscalización interna da xestión económica, financeira e orzamentaria
- Contabilidade, Tesourería e Recadación
- Facenda local e inspección de Facenda
- Xestión e xeración de recursos
- Contratación local
- Central de compras
- Xestión do persoal do concello, retribucións, premios e sancións, situacións administrativas, selección de persoal, provisión de postos de traballo, prevención de riscos laborais e todas aquelas materias competencia do alcalde susceptibles de delegación nesta área.
- Organización e coordinación do funcionamento da administración municipal.

#### **ÁREA DE SERVIZOS E SEGURIDADE CIDADÁ**

- Xestión, mantemento e conservación dos servizos básicos municipais: ciclo de auga, residuos urbanos, limpeza viaria, iluminación pública, vías públicas
- Xestión, mantemento e conservación de parques e xardíns
- Inspección e control dos servizos públicos e infraestruturas
- Xestión da seguridade cidadá, protección civil e policía local
- Cemiterio e actividades funerarias

#### **ÁREA DE CULTURA, DEPORTES E XUVENTUDE**

- Promoción da cultura e equipamentos culturais:
  - Programación cultural
  - Exposicións culturais
  - Rede de bibliotecas e programas de animación á lectura
  - Espectáculos públicos
  - Festas
- No campo do deporte:
  - Promoción do deporte
  - Cursos e escolas deportivas
  - Relación con clubs e asociacións deportivas
- Información e asesoramento da xuventude
- Ocio e tempo libre
- Xestión da utilización de instalacións e equipamentos culturais e deportivos

#### **ÁREA DE EDUCACIÓN, MEDIO AMBIENTE, MOBILIDADE E SANIDADE**

- No ámbito da Educación:
  - a vixilancia do cumprimento da escolaridade obrigatoria e cooperación coas administracións educativas na obtención dos terreos necesarios para a construción dos novos centros docentes, así como a vixilancia en materia de conservación, mantemento e vixilancia dos edificios de titularidade municipal destinados a centros públicos de educación infantil, de educación primaria ou de educación especial, dando conta á responsable da Área de Servizos e Xuventude para os efectos oportunos.
  - a utilización dos equipamentos educativos, así como os programas e servizos que se veñen desenvolvendo ou que se poidan desenvolver a teor do establecido na Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización

e sustentabilidade da Administración local, no Acordo da Comisión Bilateral de Cooperación Administrativa Xeral do Estado-Comunidade Autónoma de Galicia do 25 de febreiro de 2015 e no artigo 7 da Lei 7/1985, do 2 de abril, reguladora das bases do réxime local.

- Xestión de políticas de medio ambiente: educación ambiental, investigación e avaliación, voluntariado ambiental, posta en valor e defensa de espazos naturais. Deseño, implementación, apoio, promoción e divulgación de plans e accións de sensibilización e concienciación.
- Transporte e mobilidade.
- No campo da sanidade os centros públicos de saúde, tendo en conta o establecido para o efecto na Lei 27/2013, do 27 de decembro, de racionalización e sustentabilidade da Administración local e Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro

#### **ÁREA DE BENESTAR SOCIAL**

- No ámbito dos servizos asistenciais aos cidadáns, a avaliación e información de situacións de necesidade social e atención inmediata a persoas en situación ou risco de exclusión social (artigo 25.2 e) da Lei 7/1985, do 2 de abril, na nova redacción dada pola Lei 27/2013, do 27 de decembro).
- Actuacións na promoción da igualdade entre homes e mulleres así como contra a violencia de xénero (artigo 25.2 o) da Lei 7/1985, incluída pola disposición final primeira do Real decreto-lei 9/2018, do 3 de agosto, de medidas urxentes para o desenvolvemento do Pacto de Estado contra a violencia de xénero)
- Xestión dos proxectos, programas, medidas e servizos que se veñen desenvolvendo de integración social, infancia, familia, políticas da muller, atención á terceira idade e políticas de igualdade, ou que se poidan desenvolver, iso de conformidade co establecido na Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración local, no Acordo da Comisión Bilateral de Cooperación Administrativa Xeral do Estado-Comunidade Autónoma de Galicia do 25 de febreiro de 2015 e no artigo 7 da Lei 7/1985, do 2 de abril, reguladora das bases do réxime local.
- No ámbito das políticas de acción voluntaria, os servizos e actividades que se veñen desenvolvendo ou que se poidan desenvolver a teor do establecido na Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración local, no Acordo da Comisión Bilateral de Cooperación Administrativa Xeral do Estado-Comunidade Autónoma de Galicia do 25 de febreiro de 2015 e no artigo 7 da Lei 7/1985, do 2 de abril, reguladora das bases do réxime local.

#### **ÁREA DE DESENVOLVEMENTO SOCIOECONÓMICO**

- Xestión dos plans de formación, emprego, programas e proxectos de cooperación con organismos públicos que se veñen desenvolvendo ou que se poidan desenvolver a teor do establecido na Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración local, no Acordo da Comisión Bilateral de Cooperación Administrativa Xeral do Estado-Comunidade Autónoma de Galicia do 25 de febreiro de 2015 e no artigo 7 da Lei 7/1985, do 2 de abril, reguladora das bases do réxime local.
- Relacións cos axentes sociais, emprendemento e potenciación da vida económica local, fixación de obxectivos e desenvolvemento de proxectos para a promoción das actividades económicas do concello que se veñen desenvolvendo ou se poidan desenvolver a teor do establecido na Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración local, no Acordo da Comisión Bilateral de Cooperación Administrativa Xeral do Estado-Comunidade Autónoma de Galicia do 25 de febreiro de 2015 e no artigo 7 da Lei 7/1985, do 2 de abril, reguladora das bases do réxime local.

- Xestión das políticas municipais en materia de feiras, mercados, comercio e relacións coas asociacións de empresarios e comerciantes.

**Segundo:** Corresponde á Alcaldía, a través da Área de Presidencia, a coordinación do funcionamento das áreas municipais, así como a resolución das cuestións que xurdan respecto da adscripción a unha área determinada dunha materia concreta.»

## B) Resolución núm. 1315/2019, do 1 de xullo, de nomeamento de membros da Xunta de Goberno Local

«O pasado 15 de xuño constituíuse a nova Corporación municipal saída das eleccións celebradas o pasado 26 de maio de 2019.

O artigo 20.1 b) da Lei 7/1985 e o artigo 59.2 b) da Lei 5/1997 establecen que existirá a Xunta de Goberno Local en todos os municipios cunha poboación de dereito superior a 5000 habitantes.

O artigo 65.1 da Lei 5/1997 e artigos 68 e 69 do Regulamento orgánico municipal, establecen que a Xunta de Goberno Local estará integrada polo alcalde e un número de concelleiros non superior ao terzo do número legal deles, nomeados ou separados libremente polo alcalde, polo que, no caso de Cambre, o número máximo de concelleiros que poden ser designados membros da Xunta de Goberno Local é de 7, equivalente á terceira parte dos 21 membros da Corporación.

Facendo uso da citada atribución, **RESOLVO:**

**Primeiro:** Designar como membros da Xunta de Goberno Local aos concelleiros e concelleiras que a seguir se relacionan:

- Don Juan González Leirós
- Dona Lúa Sanguinredo Álvarez
- Dona Elisa Pestonit Barreiros
- Don Miguel Ángel Gutiérrez Nieto
- Don Daniel Mallo Castro
- Dona María Dolores Pan Lesta
- Don Diego Alcantarilla Rei

**Segundo:** En virtude do establecido no artigo 65.1 da Lei 5/1997 e artigos 41 d) e 69.2 do Regulamento orgánico municipal, comuníquese esta resolución ao Pleno na vindeira sesión que teña lugar, notifíquese persoalmente aos designados para os efectos da súa aceptación, e publíquese no *Boletín Oficial da Provincia*.

O carácter de membro da Xunta de Goberno Local é voluntario, polo que esta resolución require, para ser eficaz, a súa aceptación.

Enténdese que hai aceptación tácita do nomeamento se, no prazo de tres días hábiles contados dende a notificación persoal, o concelleiro ou concelleira non fai manifestación expresa ante o alcalde de que non acepta a designación.»

## C) Resolución núm. 1316/2019, do 1 de xullo, de nomeamento de tenentes de alcalde

«O artigo 20.1 a) da Lei 7/1985, do 2 de abril, reguladora das bases do réxime local e o artigo 5.2 a) da Lei 5/1997, do 22 de xullo, de administración local de Galicia, establecen que os tenentes de alcalde existirán en todos os concellos.

Os artigos 61.2 e 62 da Lei 5/1997 e artigo 58 do Regulamento orgánico municipal, establecen que os tenentes de alcalde serán libremente nomeados polo alcalde de entre os membros da Xunta de Goberno Local, e o número de tenentes de alcalde non poderá exceder do número de membros dela.

Por resolución desta mesma data, por esta Alcaldía efectúouse a designación dos membros da Xunta de Goberno Local.

Facendo uso da citada atribución, **RESOLVO:**

**Primeiro:** Designar tenentes de alcalde aos concelleiros e concelleiras que compoñen a Xunta de Goberno Local e segundo a orde que a seguir se relaciona:

- 1º Don Juan González Leirós
- 2ª Dona Lúa Sanguñedo Álvarez
- 3ª Dona Elisa Pestonit Barreiros
- 4º Don Miguel Ángel Gutiérrez Nieto
- 5º Don Daniel Mallo Castro
- 6ª Dona María Dolores Pan Lesta
- 7º Don Diego Alcantarilla Rei

**Segundo:** A teor do establecido no artigo 63 da Lei 5/1997 e artigo 60 do Regulamento orgánico municipal, correspóndelles aos tenentes de alcalde, en canto tales, substituír na totalidade das súas funcións e pola orde do seu nomeamento, ao alcalde, nos casos de ausencia, enfermidade ou impedimento que imposibilite a este para exercer as súas atribucións, así como desempeñar as funcións do alcalde nos supostos de vacante na Alcaldía ata que tome posesión o novo alcalde.

**Terceiro:** De conformidade co establecido nos artigos 41 d) e 58 do Regulamento orgánico municipal, comuníquese esta resolución ao Pleno na vindeira sesión que teña lugar, notifíquese persoalmente aos designados para os efectos da súa aceptación, e publíquese no *Boletín Oficial da Provincia*.

O nomeamento requirirá, para ser eficaz, a súa aceptación.

Enténdese que hai aceptación tácita do nomeamento se, no prazo de tres días hábiles contados dende a notificación persoal, o concelleiro ou concelleira non fai manifestación expresa ante o alcalde de que non acepta a designación.»

#### **D) Resolución núm. 1323/2019, do 1 de xullo, de delegación de atribucións da Alcaldía nos membros da Xunta de Goberno Local e noutros concelleiros e concelleiras**

«Os artigos 21.3 e 23.4. da Lei 7/1985, do 2 de abril, reguladora das bases do réxime local, artigo 61.3 da Lei 5/1997, do 22 de xullo, de administración local de Galicia, e 47 e seguintes do Regulamento orgánico municipal, establecen que o alcalde pode delegar o exercicio de determinadas atribucións mediante delegacións xenéricas a prol dos tenentes de alcalde e dos membros da Xunta de Goberno Local, que estarán referidas a unha ou varias áreas ou materias determinadas e poderán abarcar tanto a facultade de dirixir os servizos correspondentes como a de xestionala en xeral, incluída a facultade de resolver mediante actos administrativos que afecten a terceiros.

Igualmente, o alcalde pode efectuar delegacións especiais en calquera concelleiro/a, para a dirección e xestión de asuntos determinados incluídos nas delegacións xenéricas.

Tendo en conta as resolucións núm. 1314/2019, núm. 1315/2019 e núm. 1316/2019 desta mesma data, polas que se crearon as áreas de goberno local e se efectuou o nomeamento dos membros da Xunta de Goberno Local e dos tenentes de alcalde.

Tendo en conta que segundo establece o artigo 61.4 da Lei 5/1997 e artigo 50 do Regulamento orgánico municipal, o acordo de delegación determinará o ámbito dos asuntos a que se refire a delegación, as facultades ou potestades que se deleguen, así como as condicións específicas do exercicio delas.

Facendo uso da citada atribución, **RESOLVO:**

**Primeiro:** Conferir delegacións xenéricas a prol dos tenentes de alcalde que a seguir se relacionan, para as áreas que igualmente se sinalan, co ámbito material reflectido na resolución de Alcaldía de creación das áreas de goberno local, desta mesma data:

- Delegación a prol de don Juan González Leirós, primeiro tenente de alcalde: a Área de Urbanismo e Obras
- Delegación a prol de dona Lúa Sanguineo Álvarez, segunda tenente de alcalde: a Área de Benestar Social
- Delegación a prol de dona Elisa Pestonit Barreiros, terceira tenente de alcalde: a Área de Servizos e Seguridade Cidadá
- Delegación a prol de don Miguel Ángel Gutiérrez Nieto, cuarto tenente de alcalde: a Área de Educación, Medio Ambiente, Mobilidade e Sanidade
- Delegación a prol de don Daniel Mallo Castro, quinto tenente de alcalde: a Área de Cultura Deportes e Xuventude
- Delegación a prol de dona María Dolores Pan Lesta, sexta tenente de alcalde: a Área de Economía, Facenda e Recursos Humanos
- Delegación a prol de don Diego Alcantarilla Rei, sétimo tenente de alcalde: a Área de Desenvolvemento Socioeconómico

**Segundo:** De conformidade co establecido no artigo 48 do Regulamento orgánico municipal, as delegacións xenéricas a prol dos tenentes de alcalde, e respecto da súa área, comprenden:

- a) A delegación do exercicio das competencias que a esta Alcaldía lle son atribuídas e que poden ser delegadas a teor do establecido no artigo 21.1 e 3 da Lei 7/1985, do 2 de abril, reguladora das bases do réxime local, incluíndo a facultade de dirixir os servizos contidos en cada área, a facultade de xestionalos en xeral, así como a facultade de resolver mediante actos administrativos que afecten a terceiros. Inclúese expresamente a facultade de ditar as resolucións que procedan nos procedementos de execución forzosa dos actos administrativos ditados en uso da delegación conferida.
- b) A concesión de subvencións a particulares en materias incluídas dentro do seu ámbito de delegación, de acordo co que dispoñan as normas en vigor e as bases de execución do orzamento.
- c) O exercicio da potestade sancionadora nas materias comprendidas dentro da área de goberno.
- d) A resolución das incidencias que poidan xurdir en relación coas peticións de acceso á información nos procedementos en trámite que correspondan a materias obxecto da delegación, xa sexan presentadas por particulares ou polos concelleiros/as.
- e) A sinatura de propostas dirixidas á Alcaldía, ao Pleno ou á Xunta de Goberno Local, no seu caso.
- f) A sinatura das certificacións que se deban emitir en relación coa tramitación dos procedementos, así como respecto das resolucións ditadas na súa respectiva área no exercicio da competencia delegada, en cumprimento da esixencia contida no art. 205 do Real decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais, e segundo o cal *“as certificacións expediranse por orde do presidente da corporación e co seu visto e praxe, para significar que o secretario ou funcionario que as expide e autoriza está no exercicio do cargo e que a súa sinatura é auténtica.”*.

En canto ao seu contido material, as ditas certificacións serán emitidas na propia área segundo requira a tramitación de cada expediente en concreto, reflectirán integramente o texto do acordo ao que se refire, serán rubricadas á marxe polo funcionario/a responsable da área, ou polo funcionario/a responsable da tramitación do expediente, e reintegraranse, no seu caso, de acordo coa respectiva ordenanza fiscal.

- g) A sinatura das certificacións respecto do contido de documentos ou informes que se deban emitir en cada área.

En canto ao seu contido material, cando a certificación non se limite á reprodución dunha resolución ou documento, o xefe/a da unidade administrativa a quen corresponda a súa elaboración, emitirá un informe no que se recollan os datos sobre os que haberá de certificarse, e o contido da certificación reproducirá literalmente o contido do mencionado informe, con exposición da data de emisión e sinatura auténtica do funcionario/a informante.

A certificación irá rubricada á marxe polo xefe/a da unidade ou polo funcionario informante, e reintegrarse, no seu caso, de acordo coa respectiva ordenanza fiscal.

h) A sinatura dos anuncios e edictos, así como a orde de remisión aos diarios oficiais e aos medios de comunicación, en relación cos asuntos propios da súa área.

i) A sinatura de comunicacións que se dirixan a autoridades ou organismos públicos así como a particulares, respecto dos servizos e actividades municipais relativos ás materias incluídas na área.

j) A sinatura dos impresos de solicitudes de subvencións, certificados e demais documentación que deba remitirse unha vez ditada a correspondente resolución polo concelleiro/a delegado/a de cada área.

**Terceiro:** En canto á materia de contratación local incluída na Área de Economía, Facenda e Recursos Humanos, a delegación comprende a dirección e xestión administrativa da contratación municipal, así como:

- as competencias que o artigo 118 da Lei 9/2017, do 8 de novembro, de contratos do sector público, atribúe ao órgano de contratación na tramitación dos contratos menores, respecto do informe motivando a necesidade do contrato, así como a comprobación de que quedou xustificado no expediente que non se está alterando o obxecto do contrato para evitar a aplicación das regras xerais de contratación, e que o contratista non ten suscrito máis contratos menores que individual ou conxuntamente superen a cifra que consta no apartado primeiro do dito artigo.
- a competencia para autorizar e dispoñer os gastos correspondentes aos contratos menores de contía inferior a 6.000 euros IVE excluído.
- as demais facultades incluídas no apartado anterior, letras b) a j)

**Cuarto:** A Alcaldía asumirá directamente a dirección da Área de Presidencia e o exercicio das competencias relacionadas coas materias atribuídas á dita área e, en xeral, e de xeito residual, os servizos e actividades e aquelas funcións que non estean asignadas a unha concreta área de goberno.

Así mesmo, quedan reservados a esta Alcaldía o recoñecemento e liquidación de obrigas, a ordenación do pago e o pagamento material, así como a aprobación das contas xustificativas dos fondos librados “a xustificar” e dos “anticipos de caixa fixa”.

Igualmente queda reservada a esta Alcaldía a competencia para a aprobación das certificacións de obra expedidas polo director facultativo.

**Quinto:** A Alcaldía conserva as facultades de tutela que se transcriben a seguir:

- a) A de recibir información detallada da xestión da competencia delegada e dos actos ou disposicións enumerados en virtude da delegación.
- b) A de ser informado previamente a que se adopten decisións de transcendencia.
- c) O exercicio das accións xudiciais e administrativas e a resolución dos recursos de reposición que se poidan interpoñer contra as resolucións ditas en uso das facultades delegadas, isto de conformidade co establecido no artigo 21.1 k) da Lei 7/1985, do 2 de abril.

**Sexto:** Conferir as delegacións especiais a prol do concelleiro e concelleiras que a continuación se relacionan, para os servizos que igualmente se sinalan:

1. Conferir a delegación dos servizos de Turismo e Patrimonio, incluídos na Área de Presidencia, a don Ramón Boga Moscoso
2. Conferir a delegación do servizo de Desenvolvemento Asociativo, incluído na Área de Presidencia, a dona María Carmen Pan Matos
3. Conferir a delegación do servizo de Cultura, incluído na Área de Cultura, Deportes e Xuventude, a dona

Mónica Varela Germade

4. Conferir a delegación dos servizos de Medio Ambiente e Mobilidade, incluídos na Área de Educación, Medio Ambiente, Mobilidade e Sanidade, a dona Patricia María Parceró Quiñoy

que terán ao seu cargo o estudo, impulso, dirección e inspección das políticas sobre as que ostentan delegación especial, elevando ao concelleiro/a delegado/a da área, logo do informe dos técnicos que correspondan, propostas concretas de actuación respecto de cada materia ou servizo, efectuando o seu seguimento, unha vez aprobadas, ata a súa execución final, elaborando un informe definitivo respecto do cumprimento dos obxectivos perseguidos.

**Sétimo:** De conformidade co establecido no artigo 49.2 b) do Regulamento orgánico municipal, a delegación especial conferida a cada concelleiro/a, e respecto dos servizos determinados, enténdese conferida como delegación da dirección interna dos servizos, pero non inclúe a facultade de resolver mediante actos administrativos que afecten a terceiros, que quedará reservada ao alcalde ou concelleiro/a con delegación xenérica na correspondente área.

Igualmente, corresponde ao concelleiro/a que ostenta a delegación xenérica da área á que pertence o servizo, a facultade de supervisar a actuación do concelleiro/a con delegación especial.

**Oitavo:** De conformidade co establecido no art. 50.2 do ROM, a delegación requirirá, para ser eficaz, a súa aceptación por parte do concelleiro/a delegado/a. Enténdese aceptada tacitamente se no termo de tres días hábiles contados dende a notificación persoal, o concelleiro/a non fai manifestación expresa ante o alcalde de que non acepta a delegación, todo iso sen prexuízo da preceptiva publicación do *Boletín Oficial da Provincia*, e da debida comunicación ao Pleno na primeira sesión que teña lugar.

As delegacións, unha vez aceptadas, entenderanse vixentes mentres non sexan revogadas expresamente ou o órgano delegante avoque para si algún asunto concreto na forma establecida pola Lei 40/2015, do 1 de outubro, de réxime xurídico do sector público.

Nos documentos que deban firmar os concelleiros delegados no exercicio da delegación farase constar a data da Resolución de Alcaldía pola que se efectuou a delegación.

**Noveno:** Delegar de forma indistinta en favor de todos os concelleiros/as da Corporación municipal o exercicio da competencia para autorizar os matrimonios civís que se celebren neste termo municipal, nos termos da normativa aplicable (artigo 51.1 do Código civil, na redacción dada pola Lei 35/1994, do 23 de decembro).

Esta delegación faculta a todos os concelleiros/as para autorizar matrimonios civís, sen que nunha mesma cerimonia poida intervir máis dun deles.

**Décimo:** Notifíquese persoalmente aos interesados, publíquese no *Boletín Oficial da Provincia*, e déase conta ao Pleno na seguinte sesión que teña lugar.»

## E) Resolución núm. 1324/2019, do 1 de xullo, de delegación de atribucións a prol da Xunta de Goberno Local

«O artigo 23.2 da Lei 7/1985, do 2 de abril, reguladora das bases do réxime local, artigo 65.2 da Lei 5/1997, do 22 de xullo, de Administración local de Galicia e artigo 71 do Regulamento orgánico municipal establecen que lle corresponde á Xunta de Goberno Local a asistencia ao alcalde no exercicio das súas atribucións, así como as atribucións que o alcalde ou o Pleno lle deleguen, ou as que lle atribúan as leis.

Os artigos 47 e 74 do Regulamento orgánico municipal establecen que o alcalde pode efectuar delegacións a prol da Xunta de Goberno Local, como órgano colexiado, tendo os acordos adoptados o mesmo valor que as resolucións que dite o alcalde no exercicio das atribucións non delegadas.

O artigo 61.4 da Lei 5/1997 e artigo 50 do Regulamento orgánico municipal, establecen que o acordo de delegación determinará o ámbito dos asuntos a que se refire a delegación, as facultades ou potestades que se deleguen, así como as condicións específicas do seu exercicio.

O artigo 21.1 da Lei 7/1985, do 2 de abril, e o artigo 44 do Regulamento orgánico municipal establecen as atribucións que corresponden ao alcalde, determinando no seu apartado 3, cales desas atribucións poden ser obxecto de delegación.

Facendo uso das citadas atribucións, **RESOLVO:**

**Primeiro:** Delegar na Xunta de Goberno Local, como órgano colexiado, e cos efectos establecidos no artigo 74 do Regulamento orgánico municipal, as atribucións desta Alcaldía que a continuación se relacionan:

1. As competencias como órgano de contratación respecto de:

- os contratos de obras, de subministración, de servizos, de xestión de servizos públicos, os contratos administrativos especiais e os contratos privados cando o seu importe non supere o 10 por 100 dos recursos ordinarios do orzamento nin, en calquera caso, a contía de seis millóns de euros, incluídos os de carácter plurianual cando a súa duración non sexa superior a catro anos, sempre que o importe acumulado de todas as súas anualidades non supere nin a porcentaxe indicada, referido aos recursos ordinarios do orzamento do primeiro exercicio, nin a contía sinalada.
- a adxudicación de concesións sobre os bens da entidade local e a adquisición de bens inmoebles e dereitos suxeitos á lexislación patrimonial cando o seu valor non supere o 10% dos recursos administrativos do orzamento nin o importe de tres millóns de euros, así como o alleamento do patrimonio, cando o seu valor non supere a porcentaxe nin a contía indicados.

Esta competencia delegada levará aparellada a de autorizar e dispoñer os gastos correspondentes contra partidas orzamentarias cuxa xestión lle corresponda, en virtude do establecido nos artigos 116.5 e 117.1 da Lei 9/2017, do 8 de novembro, de contratos do sector público (LCSP) e demais actos e trámites que, en xeral, a normativa vixente atribúe ao órgano de contratación, con excepción das competencias delegadas mediante Resolución desta Alcaldía núm. 1323/2019, do 1 de xullo, na concelleira delegada da Área de Economía, Facenda e Recursos Humanos, respecto da dirección e xestión administrativa da contratación local, as competencias que o artigo 118 da LCSP atribúe ao órgano de contratación na tramitación dos contratos menores, e a competencia para autorizar e dispoñer os gastos correspondentes nos contratos menores de contía inferior a 6.000 euros IVE excluído.

2. A aprobación dos proxectos de obras e de servizos cando sexa competente para a súa contratación ou concesión e estean previstos no orzamento.

3. A devolución de garantías de todo tipo de contratacións e concesións que deriven de asuntos de competencia da Xunta de Goberno Local.

**Segundo:** De conformidade co establecido no artigo 21.1 k) da Lei 7/1985, do 2 de abril, corresponden a esta Alcaldía o exercicio de accións xudiciais e administrativas e a resolución dos recursos de reposición que se poidan interpoñer contra as resolucións ditadas no uso das facultades delegadas.

**Terceiro:** De conformidade co establecido no artigo 50 do Regulamento orgánico municipal, publíquese no *Boletín Oficial da Provincia*, e déase conta á Xunta de Goberno Local e ao Pleno municipal na primeira sesión que teña lugar, isto sen prexuízo de que a delegación efectuada a prol da Xunta de Goberno Local xurdirá efecto dende o día seguinte á data desta resolución.»

## 8. Proposta da Alcaldía respecto do nomeamento de representantes da Corporación en órganos colexiados

**Acceso á videoacta – 00:21:22 horas**

Vista a proposta de Alcaldía do día 2 de xullo de 2019 que consta do seguinte teor literal:



“O artigo 41 c) do Regulamento orgánico municipal establece que dentro dos trinta días seguintes ao da sesión constitutiva, o alcalde convocará a sesión ou sesións extraordinarias do Pleno da Corporación que sexan precisas, co fin de resolver, entre outros puntos: **O nomeamento de representantes da Corporación en órganos colexiados.**

Tendo en conta a delegación de atribucións da Alcaldía en membros da Xunta de Goberno Local segundo a Resolución n.º 1323/2019, do 1 de xullo de 2019.

Tendo en conta os acordos adoptados polo Pleno da Corporación respecto da creación con carácter permanente de determinados órganos colexiados:

- Sesión ordinaria de 27 de abril de 2006: Creación da Xunta Local de Protección Civil de Cambre
- Sesión ordinaria de 27 de maio de 2010 e sesión ordinaria de 26 de agosto de 2010: creación da Mesa de coordinación interinstitucional contra a violencia de xénero
- Sesión extraordinaria de 25 de marzo de 2011: creación da Mesa Local de Comercio

Tendo en conta que o artigo 22.2 b) da Lei 7/1985, do 2 de abril, atribúe ao Pleno os acordos relativos á participación en organizacións supramunicipais, polo que se considera que debe incluír tamén a designación dos representantes da Corporación como elementos da súa organización ou participación.

Considerando canto antecede, propoño ao Pleno da Corporación a adopción do seguinte **ACORDO**:

**Primeiro:** Nomear representante do concello no Consorcio As Mariñas ao alcalde don Óscar A. García Patiño, e como suplente ao concelleiro don Juan González Leirós.

**Segundo:** Nomear representante do concello na Xunta Xeral da sociedade Edar Bens, S.A., ao alcalde don Óscar A. García Patiño, e no consello de administración, ao concelleiro don Juan González Leirós.

**Terceiro:** Nomear representante do concello na Comisión de Escolarización correspondente aos diferentes cursos, ao concelleiro don Miguel Ángel Gutiérrez Nieto.

**Cuarto:** Nomear representante do concello nos consellos escolares aos concelleiros que a continuación se relacionan, para os centros que igualmente se indican:

- |                                             |                                    |
|---------------------------------------------|------------------------------------|
| - Escola de educación infantil de Pravio:   | don Miguel Ángel Gutiérrez Nieto   |
| - CEIP Graxal (Graxal – O Temple):          | don Diego Alcantarilla Rei         |
| - CEIP Portofaro (O Temple):                | dona Lúa Sanguñedo Álvarez         |
| - CEIP Emilio González López (Brexo):       | dona Patricia María Parceró Quiñoy |
| - CEIP Gonzalo Torrente Ballester (Sigrás): | dona Patricia María Parceró Quiñoy |
| - CEIP Wenceslao Fernández Flórez (Cambre): | don Miguel Ángel Gutiérrez Nieto   |
| - IES Afonso X O Sabio (A Barcala-Cambre):  | don Miguel Ángel Gutiérrez Nieto   |
| - IES David Buján (Sigrás):                 | don Diego Alcantarilla Rei         |

**Quinto:** Nomear representante do concello no Fondo Galego de Cooperación e Solidariedade á concelleira dona Lúa Sanguñedo Álvarez, e como suplente ao concelleiro don Miguel Ángel Gutiérrez Nieto.

**Sexto:** Nomear representante do concello no Consorcio Galego de Servizos de Igualdade e Benestar á concelleira dona Lúa Sanguñedo Álvarez, e como suplente ao concelleiro don Miguel Ángel Gutiérrez Nieto.

**Sétimo:** Nomear representante do concello no Consello de participación das escolas infantís ao concelleiro don Miguel Ángel Gutiérrez Nieto, e como suplente ao concelleiro don Diego Alcantarilla Rei.

**Oitavo:** Nomear representante do concello no Grupo de Acción Local do sector pesqueiro Golfo Ártabro Sur ao concelleiro don Diego Alcantarilla Rei, e como suplente a dona Patricia María Parceró Quiñoy.

**Noveno:** Nomear representante do concello na Asociación de Desenvolvemento Rural “Mariñas-Betanzos” ao concelleiro don Diego Alcantarilla Rei, e como suplente a dona Patricia María Parceró Quiñoy.

**Décimo:** Nomear representante do concello na Fundación Wenceslao Fernández Flórez á concelleira dona Mónica Varela Germade, e como suplente ao concelleiro don Ramón Boga Moscoso.

**Décimo primeiro:** Nomear representantes da Corporación na Xunta Local de Protección Civil ao alcalde don Óscar A. García Patiño, ao concelleiro don Juan González Leirós, á concelleira dona Elisa Pestonit Barreiros, e ao concelleiro don Ramón Boga Moscoso.”

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei). Vota en contra a concelleira integrante do Grupo Mixto (dona María José García Hidalgo, de C's). E abstéñense os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), os dous concelleiros do BNG (don Daniel Carballeda Rodríguez e don Brais Cubeiro Fernández), o concelleiro presente de AV (don Raúl Varela Fraguío) e a concelleira integrante do Grupo Mixto (dona María Olga Santos López, de EU-Son en Común).

O Pleno municipal, por once votos a prol, aprobou a proposta tal e como foi transcrita.

## 9. Proposta de aprobación do número, características e retribucións do persoal eventual

### Acceso á videoacta – 00:25:44 horas

Vista a proposta de Alcaldía do día 3 de xullo de 2019 que consta do seguinte teor literal:

“Visto o informe elaborado polo xefe da área de Urbanismo e Réxime Interior de data 1 de xullo de 2019, en relación coa miña providencia para a supresión dun posto de asesor de cultura do persoal eventual existente e a manter as tres prazas e postos de asesor/a de alcaldía, secretaria/o de obras e servizos e secretario benestar social, se eleva ao Pleno da Corporación a seguinte **PROPOSTA**

1º.- Aprobar a modificación do Cadro de Persoal deste concello, apartado de persoal eventual, para a supresión do mesmo da praza de asesor/a de cultura.

2º.- Aprobar inicialmente a modificación da Relación de Postos de Traballo para a supresión do posto eventual de asesor/a de cultura e para o incremento do complemento específico do resto dos postos de persoal eventual que se mantén nas súas actuais denominacións, funcións e resto de retribucións da maneira que a continuación se indica:

Posto	Funcións	Subgrupo	Comp. Destino	Comp.Específico
Asesor/a Alcaldía	De confianza	C-2	18	14.223,06
Secretaria/o de Benestar Social	De confianza	C-2	18	14.223,06
Secretaria/o de Obras e Servizos	De confianza	C-2	18	14.223,06

3º.- Someter a información pública a través de anuncio no *Boletín Oficial da Provincia* o presente acordo modificativo da Relación de Postos de Traballo así como o seu expediente polo prazo de 20 días, de conformidade co artigo 202 da Lei 2/2015 do emprego público de Galicia.”

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguñedo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei). Votan en contra os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), o concelleiro presente de AV (don Raúl Varela Fraguío) e as dúas concelleiras integrantes do Grupo Mixto (dona María Olga

Santos López, de EU-Son en Común e dona María José García Hidalgo, de C's). E abstéñense os dous concelleiros do BNG (don Daniel Carballada Rodríguez e don Brais Cubeiro Fernández).

O Pleno municipal, por once votos a prol, aprobou a proposta tal e como foi transcrita.

## **10. Proposta da Alcaldía respecto da determinación dos cargos da Corporación a desempeñar en réxime de dedicación exclusiva e parcial, ás súas retribucións, réxime de dedicación, así como fixación das contías a percibir en concepto de asistencias e indemnizacións**

**Acceso á videoacta – 00:32:47 horas**

Vista a proposta de Alcaldía do día 3 de xullo de 2019 que consta do seguinte teor literal:

«**A**) O artigo 75 da Lei 7/1985, do 2 de abril, reguladora das bases de réxime local (e no mesmo sentido o artigo 18 do Regulamento orgánico municipal), establece :

*“1. Os membros das Corporacións percibirán retribucións polo exercicio dos seus cargos **cando os desempeñen con dedicación exclusiva** e, neste caso, serán dados de alta no Réxime Xeral da Seguridade Social, asumindo as Corporacións o pagamento das cotas empresariais que corresponda, agás o disposto no artigo anterior (art. 74 relativo aos membros en situación de servizos especiais).*

*No suposto destas retribucións, a súa percepción será incompatible coa doutras retribucións con cargo aos orzamentos das administracións públicas e dos entes, organismos ou empresas delas dependentes, así como para o desenvolvemento doutras actividades, todo iso nos termos da Lei 53/1984, do 26 de decembro, de incompatibilidades do persoal ao servizo das administracións públicas.*

*2. Os membros das Corporacións **que desempeñen os seus cargos con dedicación parcial** por realizar funcións de presidencia, vicepresidencia ou ostentar delegacións, ou desenvolver responsabilidades que así o requiran, percibirán retribucións polo tempo de dedicación efectiva a estas, e nestes casos serán igualmente dados de alta no Réxime Xeral da Seguridade Social en tal concepto, asumindo as Corporacións as cotas empresariais que corresponda, agás o disposto no artigo anterior. As ditas retribucións non poderán superar en ningún caso os límites que se fixen, no seu caso, nas Leis de orzamentos xerais do Estado. Nos acordos plenarios de determinación dos cargos que leven parella esta dedicación parcial e das retribucións destes, deberase conter o réxime da dedicación mínima necesaria para a percepción destas retribucións.*

*Os membros das Corporacións locais que sexan persoal das administracións públicas e dos entes, organismos e empresas delas dependentes soamente poderán percibir retribucións pola súa dedicación parcial ás súas funcións fóra da súa xornada nos seus respectivos centros de traballo, nos termos sinalados no artigo 5 da Lei 53/1984, do 26 de decembro, sen prexuízo do disposto no apartado sexto do presente artigo (Apartado 6, respecto do dereito que lles asiste a gozar de permisos polo tempo indispensable para o desempeño do cargo electivo de concelleiro).”*

En definitiva, deseña un sistema retributivo dos corporativos consistente nos rexímenes de dedicación exclusiva e/ou dedicación parcial, en ambos casos con cobertura social e incompatibilidade para percibir asignacións ou axudas de custo por asistencia a sesións de órganos colexiados.

A Lei 27/2013, do 27 de decembro, de racionalización e sustentabilidade da administración local introduce dous artigos na Lei 7/1985, o 75 bis e o 75 ter.

O artigo 75 bis da Lei 7/1985, respecto do réxime retributivo dos membros das Corporacións locais e do persoal ao servizo das entidades locais establece que:

*“1. Os membros das Corporacións locais serán retribuídos polo exercicio do seu cargo nos termos establecidos no artigo anterior. Os orzamentos xerais do Estado determinarán, anualmente, o límite máximo total que poden percibir os membros das Corporacións locais por todos os conceptos retributivos e asistencias, excluídos os trienios aos que no seu caso teñan dereito aqueles funcionarios de carreira que se atopen en situación de servizos especiais, atendendo entre outros criterios á natureza da Corporación local e á súa poboación segundo a seguinte táboa:*

Habitantes	Referencia
Máis de 500.000	Secretario de Estado
...	...
<b>20.001 a 50.000</b>	<b>Secretario de Estado – 45%</b>
...	...

(...)"

De conformidade co disposto no artigo 18.Un do Real decreto-lei 24/2018, de 21 de decembro, polo que se aproban medidas urxentes en materia de retribucións no ámbito do sector público, o límite máximo total que poden percibir os membros das Entidades Locais por todos os conceptos retributivos e asistencias, excluídos os trienios aos que no seu caso teñan dereito aqueles funcionarios de carreira que se encontren en situación de servizos especiais, atendendo a súa poboación, será:

Habitantes	Referencia euros
Máis de 500.000	106.130,60 €
...	...
<b>20.001 a 50.000</b>	<b>58.372,36 €</b>
...	...

As contías dos límites recollidos no referido artigo 18. Un, inclúen un aumento do 2,25 por cento respecto das vixentes a 31 de decembro de 2018. Así mesmo aplicarase o incremento retributivo adicional vinculado á evolución do PIB que, de acordo co artigo 3.dous, se aprobe para o persoal do sector público.

En canto ao artigo 75 ter da Lei 7/1985, este artigo establece unha limitación no número dos cargos públicos das entidades locais con dedicación exclusiva:

*"1. De conformidade co establecido no artigo 75 desta lei, a prestación de servizos nos concellos en réxime de dedicación exclusiva por parte dos seus membros deberá axustarse en todo caso aos seguintes límites (...):*

*g) Nos concellos de municipios con poboación comprendida entre 20.001 e 35.000 habitantes, os membros que poderán prestar os servizos en réxime de dedicación exclusiva **non excederá de dez.**"*

Corresponde ao Pleno da Corporación, a proposta do presidente, determinar, dentro da consignación contida para este fin no orzamento, a relación dos cargos da Corporación que poderán desempeñarse **en réxime de dedicación exclusiva ou parcial**, e con dereito a retribución, así como as contías que lles correspondan a cada un deles tendo en conta o seu grao de responsabilidade.

**B)** O artigo 20.2 do Regulamento orgánico municipal, en concordancia co artigo 75.3 da Lei 7/1985, do 2 de abril, establece que:

*"2 - Só os membros da Corporación que non teñan dedicación exclusiva nin parcial percibirán asistencias pola concorrencia efectiva ás sesións dos órganos colexiados dos que formen parte, na contía que sinale o Pleno dela. Non obstante, todos poderán percibir esta clase de indemnizacións cando se trate de órganos rectores de organismos dependentes da Corporación local que teñan personalidade xurídica independente, de consellos de administración de empresas con capital ou control municipal ou de tribunais de probas para a selección do persoal."*

**C)** O artigo 20.1 do Regulamento orgánico municipal, en concordancia co artigo 75.4 da Lei 7/1985, de 2 de abril, establece que:

*"1 - Todos os membros da Corporación, incluídos os que desempeñen cargos en réxime de dedicación exclusiva ou parcial, percibirán indemnizacións polas despesas ocasionadas polo exercicio do cargo, cando sexan efectivas, e logo da súa xustificación documental, segundo as normas de aplicación xeral nas Administracións Públicas, e as que en desenvolvemento delas aprobe o Pleno corporativo."*

Á súa vez, o artigo 21 do Regulamento orgánico municipal establece que:

"1 - Todos os membros da Corporación, incluídos os que desempeñen cargos en réxime de dedicación exclusiva ou parcial, terán dereito a percibir indemnizacións por desprazamento, manutención, aloxamento e outros gastos ocasionados como consecuencia directa do exercicio do cargo.

2 - A contía deste tipo de indemnizacións fixarase polo Pleno do Concello, establecéndose a forma de percepción e os termos da súa xustificación nas bases de execución do orzamento anual.

En ningún caso estas indemnizacións serán inferiores ás que puideran corresponderlles en aplicación da normativa estatal que as regula.

....."

D) O artigo 22.3 do Regulamento orgánico municipal establece que:

"3 - Publicaranse integramente no Boletín Oficial da Provincia, taboleiro de anuncios da Corporación e páxina web municipal, os acordos plenarios referentes a retribucións dos cargos con dedicación exclusiva e parcial e réxime de dedicación destes últimos, indemnizacións e asistencias, ....."

Tendo en conta canto antecede e as grandes áreas nas que se estruturan os servizos municipais, formulo á Corporación a seguinte proposta de acordos a adoptar:

**Primeiro:** Determinar os seguintes cargos da Corporación para o seu desempeño en réxime de dedicación exclusiva cos dereitos e as obrigas que iso comporta, e coa retribución bruta anual (sen ter en conta a antigüidade a aboar pola administración de orixe en caso de servizos especiais) seguinte:

- Concellería da Área de Urbanismo e Obras: 40.000,00 €
- Concellería da Área de Economía, Facenda e Recursos Humanos: 29.000,00 €
- Concellería da Área de Servizos e Seguridade Cidadá: 29.000,00 €
- Concellería da Área de Benestar Social: 29.000,00 €
- Concellería da Área de Desenvolvemento Socioeconómico: 29.000,00 €
- Concellería con delegación especial dos servizos de Turismo e Patrimonio, incluídos na Área de Presidencia: 29.000,00 €
- Concellería con delegación especial do servizo de Desenvolvemento Asociativo, incluído na Área de Presidencia: 29.000,00 €
- Concellería con delegación especial do servizo de Cultura, incluído na Área de Cultura, Deportes e Xuventude: 29.000,00 €
- Concellería con delegación especial dos servizos de Medio Ambiente e Mobilidade, incluídos na Área de Educación, Medio Ambiente, Mobilidade e Sanidade: 29.000,00 €

**Segundo:** Determinar o seguinte cargo da Corporación para o seu desempeño en réxime de dedicación parcial, cunha dedicación mínima de 32 horas semanais, preferentemente de 8:30 a 15:00 horas, de luns a venres, e coa retribución bruta anual seguinte:

- Alcalde-presidente: 35.000,00 €

**Terceiro:** As retribucións dos concelleiros estarán suxeitas ás variacións que se fixen para o persoal das administracións públicas na Lei de orzamentos xerais do Estado.

**Cuarto:** Os membros da Corporación que non teñan dedicación parcial percibirán pola concorrencia efectiva ás sesións dos órganos colexiados dos que formen parte as seguintes contías:

- Plenos: 200 €
- Comisións Informativas: 150 €
- Xunta de Voceiros: 250 €
- Xunta de Goberno Local: 250 €

A asistencia a varias sesións do Pleno, Xunta de Goberno Local, Comisións Informativas e Xunta de Voceiros que teñan lugar nun mesmo día, computaranse como unha soa asistencia.

**Quinto:** Os membros da Corporación que realicen comisións de servizo fóra do termo municipal terán dereito a ser indemnizados mediante axudas de custo polo importe establecido para o Grupo I no Real decreto 462/2002, do 24 de maio. Terán, así mesmo, dereito a ser indemnizados polos desprazamentos que realicen dentro do termo municipal por razón de servizo.

En todo caso, no relativo ao réxime de xustificación e abono das indemnizacións, resultará de aplicación o sinalado no Real decreto 462/2002 e demais normativa estatal vixente na materia.

**Sexto:** De conformidade co establecido no artigo 22 do Regulamento orgánico municipal, en concordancia co artigo 75.5 da Lei 7/1985, do 2 de abril, reguladora das bases do réxime local, publíquense integramente no *Boletín Oficial da Provincia*, taboleiro de anuncios da Corporación e páxina web municipal, os anteriores acordos.»

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta) e os catro concelleiros do PSdeG-PSOE (dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceros Quiñoy e don Diego Alcantarilla Rei). Votan en contra os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe), o concelleiro presente de AV (don Raúl Varela Fraguío) e as dúas concelleiras integrantes do Grupo Mixto (dona María Olga Santos López, de EU-Son en Común e dona María José García Hidalgo, de C's). E abstéñense os dous concelleiros do BNG (don Daniel Carballada Rodríguez e don Brais Cubeiro Fernández).

O Pleno municipal, por once votos a prol, aprobou a proposta tal e como foi transcrita.

## 11. Proposta da Alcaldía de asignación dunha dotación económica aos grupos políticos municipais

### Acceso á videoacta – 00:46:35 horas

Vista a proposta de Alcaldía do día 3 de xullo de 2019 que consta do seguinte teor literal:

“O artigo 73.3 da Lei 7/1985, do 2 de abril, reguladora das bases de réxime local, na modificación dada pola Lei 57/2003, do 16 de decembro, de medidas para a modernización do goberno local, establece que o pleno da Corporación, con cargo aos seus orzamentos anuais, poderá asignar aos grupos políticos unha dotación económica que deberá contar cun compoñente fixo, idéntico para todos os grupos e outro variable, en función do número de membros de cada un deles, dentro dos límites que, no seu caso, se establezan con carácter xeral nas leis de orzamentos xerais do Estado e sen que poidan destinarse ao pagamento de remuneracións de persoal de calquera tipo ao servizo da corporación ou á adquisición de bens que poidan constituír activos fixos de carácter patrimonial.

Os grupos políticos deberán levar unha contabilidade específica da dotación, que poñerán a disposición do pleno da Corporación, sempre que este o pida.

O artigo 12 do Regulamento orgánico municipal reproduce textualmente o contido do artigo 73.3 da Lei 7/1985, do 2 de abril.

Tendo en conta canto antecede, propoño á Corporación a adopción dos seguintes **ACORDOS**:

**Primeiro:** Asignar a cada grupo político que compón a Corporación unha dotación económica co fin de colaborar nos gastos correntes necesarios para o desenvolvemento da súa actuación como grupo político municipal, cos seguintes criterios de reparto:

- |                                   |                                       |
|-----------------------------------|---------------------------------------|
| a) Compoñente fixo de asignación: | 2.000 €/ano                           |
| b) Compoñente variable:           | 1.000 €/ano por cada membro do grupo: |
| - UxC (8 concelleiros):           | 8.000 €/ano                           |



- PSdeG-PSOE (4 concelleiros): 4.000 €/ano
- PP (3 concelleiros): 3.000 €/ano
- BNG (2 concelleiros): 2.000 €/ano
- Alternativa dos veciños (2 concelleiros) 2.000 €/ano
- GM (2 concelleiros): 2.000 €/ano

**Segundo:** As dotacións económicas tanto a de compoñente fixo como a de compoñente variable, aboaranse a cada grupo político semestralmente."

Sometido o asunto a votación ordinaria do Pleno municipal, votan a prol os sete concelleiros presentes de UxC (don Óscar A. García Patiño, don Juan González Leirós, dona Elisa Pestonit Barreiros, don Ramón Boga Moscoso, dona María Carmen Pan Matos, dona Mónica Varela Germade e dona María Dolores Pan Lesta), os catro concelleiros do PSdeG-PSOE (dona Lúa Sanguinredo Álvarez, don Miguel Ángel Gutiérrez Nieto, dona Patricia María Parceró Quiñoy e don Diego Alcantarilla Rei) e os tres concelleiros do PP (don Juan María Abalo Castex, dona María Jesús González Roel e dona Marta María Vázquez Golpe). Vota en contra a concelleira integrante do Grupo Mixto (dona María José García Hidalgo, de C's). E abstéñense os dous concelleiros do BNG (don Daniel Carballada Rodríguez e don Brais Cubeiro Fernández), o concelleiro presente de AV (don Raúl Varela Fraguío) e a concelleira integrante do Grupo Mixto (dona María Olga Santos López, de EU-Son en Común).

O Pleno municipal, por catorce votos a prol, aprobou a proposta tal e como foi transcrita.

E non habendo máis asuntos que tratar, o señor presidente levantou a sesión cando son as trece horas e corenta e oito minutos, do que eu, secretaria accidental, certifico.

O presidente

Óscar A. García Patiño

A secretaria accidental

Verónica María Otero López